



Broj: 07-37-1-1828-8/19
Sarajevo, 05.11.2019. godine

Poziv nevladinim organizacijama, udruženjima i savezima koji zastupaju interese nacionalnih manjina u BiH za učešće u radu Koordinacionog odbora za nacionalne manjine

Ministarstvo za ljudska prava i izbjeglice BiH namjerava putem ovog poziva izvrši izbor tri predstavnika/ice nevladinih organizacija, udruženja i/ili saveza iz BiH (u daljem tekstu NVO), koji zastupaju interese nacionalnih manjina u BiH, da se prijave za učešće u radu Koordinacionog odbora za nacionalne manjine.

Ciljevi Koordinacionog odbora su jačanje koordinacije i saradnje među relevantnim akterima koji su direktno uključeni/e u proces zaštite prava nacionalnih manjina, njihovo aktivno uključivanje u proizvodnji konkretnih mehanizama zaštite nacionalnih manjina, njihovo jačanje kapaciteta i zagovaranje da se uspostavi održivi model i mehanizam koordinacije i saradnje. Više informacija o Koordinacionom odboru možete naći u prilogu (Memorandum o saradnji).

Sljedeći kriteriji/informacije biće smjernice za selekciju:

1. Za člana/icu Koordinacionog odbora ispred NVO bira se ukupno 3 člana/ice, bez obzira na manjinsku pripadnost;
2. Formalni savezi nacionalnih manjina na bilo kojem nivou registracije i formalna tj. registravana udruženja koja nisu članice nekog od saveza mogu se prijaviti/biti predloženi za člana/icu u Koordinacionom odboru;
3. Iz jednog saveza nacionalnih manjina se može odabrati najviše jedan član/ica za Koordinacioni odbor, a prijedlog ispred saveza ima prioritet u odnosu na prijedlog pojedinačnog udruženja;
4. Od tri člana/ice Koordinacionog odbora ispred NVO, bira se najmanje jedan član/ica koji/a predstavlja pojedinačno udruženje;
5. U Koordinacionom odboru može biti zastupljen/a član/ica udruženja ako iz istog udruženja nema članova/ica koji su delegirani za rad u ovaj odbor ispred vijeća nacionalnih manjina ili saveza. U Koordinacionom odboru ne mogu biti dva člana/ice koji pripadaju istom udruženju.
6. Za svakog predloženog kandidata mora se dostaviti dokaz o ispunjavanju uslova za učešće u radu Koordinacionog odbora i to:

- razlozi delegiranja predstavnika/ce sa njegovim/nim karakteristikama/iskustvom;
- Prijedlog Saveza/udruženja treba da sadrži informacije o iskustvu koje ima osoba koja se predlaže- referentna lista aktivnosti u kojima je sudjelovala kao što su izlaganja na konferenciji/seminaru, davanje mišljenja, sudjelovanja i izrade politika, izvještaja ili strategija o nacionalnim manjinama i sl.;
- statut iz kojeg se vidi da udruženje pripada udruženjima nacionalnih manjina (u slučaju saveza također koliko članstvo ima);
- lista implementiranih aktivnosti i projekata u zadnje 2 godine;
- bilans stanja i uspjeha za 2017. i 2018. godinu.

Izbor 3 člana/ice za Koordinacioni odbor će se izvršiti prema gore navedenim kriterijima tj. članovi/ce koji/e budu najviše rangirani će biti pozvani/e na rad u Koordinacionom odboru. Rodna ravnopravnost će biti uzeta u obzir prilikom finalne selekcije.

Svi dokumenti se dostavljaju na email: alen.gavranovic@mhr.gov.ba i zelimir.lalic@mhr.gov.ba u skeniranoj kopiji do 10. novembra 2019. godine. Nepotpune aplikacije neće biti uzete u razmatranje.

Ukoliko imate pitanja, molimo da iste pošaljete na email: alen.gavranovic@mhr.gov.ba i zelimir.lalic@mhr.gov.ba.

Sarajevo, 30.10.2019. godine

SEKRETARKA MINISTARSTVA

Nina Mišković

NAPOMENE:

Molimo vas da u cilju, boljeg informisanja, ovaj poziv dostavite i drugim nevladnim organizacijama nacionalnih manjina s kojima saradujete.



Broj: 07-37-1-1828-4/19
Sarajevo, 30.10.2019. godine

MEMORANDUM O SARADNJI

Ovim Memorandumom o saradnji (u daljem tekstu: *Memorandum*) formalizira se uspostava **Koordinacionog odbora za nacionalne manjine** (u daljem tekstu: *Koordinacioni odbor*), koji se sastoji od sljedećih predstavnika/ca institucija, savjetodavnih tijela i udruženja koji zastupaju interese nacionalnih manjina u Bosni i Hercegovini:

- *Ministarstvo za ljudska prava i izbjeglice BiH (predsjedavajući)*
- *Vijeće nacionalnih manjina BiH (3 člana/ice)*
- *Odbor za Rome BiH (1 član/ica)*
- *Vijeće nacionalnih manjina FBiH (3 člana/ica)*
- *Savjet nacionalnih manjina RS (3 člana/ica)*
- *Brčko Distrikt (1 član/ica)*
- *Vijeće nacionalnih manjina Kantona Sarajevo (1 član/ica)*
- *Vijeće nacionalnih manjina Unsko-sanskog kantona (1 član/ica)*
- *Nevladine organizacije/udruženja/savezi (3 člana/ice)*

Ciljevi Koordinacionog odbora su vezani za jačanje koordinacije i saradnje među relevantnim akterima koji su direktno uključeni/e u zaštitu prava nacionalnih manjina, njihovo aktivno uključivanje u kreiranju konkretnih mehanizama zaštite nacionalnih manjina, njihovo jačanje kapaciteta te zagovaranje da se uspostavi održivi model i mehanizam koordinacije i saradnje. Koordinacioni odbor će se sastajati u prosjeku dva puta godišnje.

Potpisnici Memoranduma su se usaglasili o slijedećem:

Član 1.

Predsjedavajući Koordinacionog odbora je predstavnik Ministarstva za ljudska prava i izbjeglice BiH. Nadležnosti Predsjedavajućeg Koordinacionog odbora su navedene u članu 4. i 5.



Predstavnici/e institucija, savjetodavnih tijela i udruženja pored redovnih članova/ica Koordinacionog odbora će imenovati i zamjenske predstavnike/ce.

Član 2.

Članovi/ce Koordinacionog odbora se obavezuju da će tokom realizacije izvršavati slijedeće:

- aktivno učestvovati u radu i dostojno zastupati sredinu i instituciju koju predstavljaju;
- ukoliko je potrebno, izvršiti vlastitu pripremu za sjednicu obezbjeđenjem podataka relevantnih za temu sjednice ili obuke;
- tokom sjednica iznositi činjenice i podatke kojima raspolažu, a koje su vezane za djelokrug rada tijela/institucije/organizacije koju predstavlja. Iznesene informacije moraju biti zvaničan stav tijela/institucije/organizacije koju predstavlja, a ne individualan stav;
- pružati savjete i predlagati aktivnosti Koordinacionog odbora;
- aktivno učestvovati u zajedničkom definisanju zaključaka na kraju svake sesije;
- obavezati se da o svim temama koje se raspravljaju na Koordinacionom odboru i zaključcima, dosljedno pismeno informišu tijelo/instituciju/organizaciju koju predstavljaju;
- aktivno raditi na realizaciji utvrđenih zaključaka/zadataka u oblastima za koju su zaduženi;
- ukoliko tijelo/institucija/organizacija ima nekih primjedbi, sugestija ili novih zapažanja koje je potrebno unijeti na predložene dokumente/teme rasprave ili treninga, član/ica Koordinacionog odbora je dužan/na pismeno izvjestiti o ovome predsjedavajućeg Koordinacionog odbora;
- obavezuje se prisustvovati svakom skupu Koordinacionog odbora;
- ukoliko je član/ica Koordinacionog odbora opravdano spriječen/a da prisustvuje skupu, o tome je dužan/na pismeno obavijestiti uposlenice projekta Evropske unije/Vijeća Evrope „Promocija različitosti i jednakosti u BiH“ (u daljem tekstu: administrativno-tehničku podršku) najkasnije do zadatog datuma za prijave navedenog u pozivnom pismu. Do tog istog datuma je dužan/na obavijestiti i predložiti već ranije imenovanu zamjensku članicu. Potom je obaveza zamjenskog člana/ice da pismeno (u roku od jednog dana) potvrdi svoje učešće administrativno - tehničkoj podršci;
- Informisati Koordinacioni odbor o drugim inicijativama koje se implementiraju unutar institucije/organizacije koju predstavlja;
- raditi na analizi i planiranju napretka u proces zaštite prava nacionalnih manjina u cilju uspostavljanja trajnog modela adresiranja i rješavanja prioriternih problema sa kojima se susreću predstavnici/e manjina sada i u budućnosti.

Član 3.

Članovima/cama Koordinacionog odbora će biti obezbijeđeni putni troškovi, troškovi smještaja i ishrane vezani za učešće na sastancima, treninzima i radnim grupama u sklopu projekta „Promocija



različitosti i jednakosti u BiH“, a prema procedurama Evropske unije/Vijeća Europe. U slučaju da član/ica Koordinacionog odbora ne bude prisutan/na na svim sesijama predviđenim dnevnim redom skupa, onda Evropska unija/Vijeće Europe nema obavezu plaćanja bilo kojih gore navedenih troškova člana Koordinacionog odbora.

Član 4.

Administrativno-tehnička podrška Koordinacionog odbora obuhvata:

- organizovanje sastanaka i treninga, uključujući slanje pozivnih pisama;
- distribuiranje zaključaka, prezentacija, dokumenata i sličnog (ukoliko postoji);
- organizovanje logističkih aspekata potrebnih za rad Koordinacionog odbora (smještaj, objezbjedenje sale i opreme za rad, materijala za učesnike/ce i slično);
- po potrebi pružati podršku radnim grupama prilikom razmatranja tema koje su na dnevnom redu sjednica;
- realizaciju procedura za isplate putnih i drugih eventualnih troškova članovima Odbora;
- po potrebi angažovanje eksperata i druga stručna lica za realizaciju utvrđenih tema.

Član 5.

Predsjedavajući Koordinacionog odbora će imati mogućnost traženja zamjene imenovanog/e člana/ice Koordinacionog odbora u slučaju da član/ica Odbora neispunjava prihvaćene obaveze kako je navedeno u članu 2, uključujući sljedeće ili slične razloge:

- pasivnosti u radu odbora;
- neizvršavanja dogovorenih zaduženja;
- neopravdanih izostanaka;
- pravovremeno neodgovaranje/neprijavlivanje/neotkazivanje na pozive administrativno-tehničke podrške za skup Koordinacionog odbora (kako je navedeno u članu 1);
- neinformisanje pravovremeno zamjenskog člana/ice u slučaju opravdanog izostanka u predviđenom roku (kako je navedeno u članu 1);
- nedolaska na prethodno potvrđeno i obezbijedeno noćenje ili obezbijedeni prevoz.

Član 6.

Predsjedavajući Koordinacionog odbora i/ili administrativno-tehnička podrška mogu:

- po potrebi, prema svojoj procjeni odabrati i ponuditi članovima/icama odbora da učestvuju u drugim aktivnostima ili prezentacijama izvan Koordinacionog odbora a koje imaju veze sa radom Koordinacionog odbora;
- po potrebi, prema svojoj procjeni imenovati osobu koja će davati izjave za medije u ime Koordinacionog odbora;
- konsultovati članove/ce Koordinacionog odbora o mišljenju vezanim za implementaciju projekta „Promocija različitosti i jednakosti u BiH“;



- informisati članove/ice Koordinacionog odbora o napretku projekta „Promocija različitosti i jednakosti u BiH“ kako bi iste mogle dalje informisati tijelo/instituciju/organizaciju koju predstavljaju.

Član 7.

Evropska unije i Vijeće Evrope će imati ulogu posmatrača Koordinacionog odbora.

Član 8.

Ovaj Memorandum o saradnji stupa na snagu danom potpisivanja i ostaje na snazi do završetka projekta „Promocija različitosti i jednakosti u BiH“ ili drugih dopuna i izmjena.

Zaključen u novembru 2019. godine u Sarajevu između:

Redni broj	SUBJEKT I RADNO MJESTO- FUNKCIJA	IME I PREZIME	POTPIS
1.			
2.			
3.			
4.			
5.			